



Sabtu, 04 Mei 2024

Ogen : Matius 15:21-28



O Tuhan Sampati Min Aku



**D**i kune pemindonta itulak kalak si kin si akap ia ngasup nampati kita, uga nge responta?

Sekalak diberu Bangsa Kanaan, reh ndahi Jesus mindo penampat erkiteken anakna iseluki setan janah mekelek kal akap anak e. Diberu bangsa kanaan e tek maka Jesus ngasup nampati anakna e. Tapi, telu kali Jesus nulak pemindonna; pemena, sengkebabah ranan pe Jesus la ngaloi. Sipeduaken nina Jesus, Aku reh guna kalak Israel ngenca. Sipelueluken nina Jesus, la patut ibuat nakan anak-anak jenari ibereken man biang. Amin bage pe perbahanen Jesus man diberu e, la mobah ukurna. Kinitekenna man Jesus tetap. Uga pe Jesus e labo ngasup ngidah kalak si ngenanami pinakit si mekelek. Uga pe Jesus e nggit nge nampati amin pe labo ia kalak Israel. Diberu e nandai Jesus si dem alu keleng ate man ise pe. Igejapna maka penulaken Jesus e terjeng nguji kesabarena, seh i ja ia ngarapken penampat Jesus e. Amin pe telu kali ia itulak, la putus pengarapenna. Teridah arah pemindonna si meteruk, "o Tuhan, sampati min aku." Tek kal ia maka Jesus ngasup nampati ia. Diberu bangsa kanaan e sekalak nande si megenggeng, guna kesehaten anakna kai pe iperjuangkenna. La ipertahankenna erga dirina, meteruk kal ia mindo perkuah ate Jesus. Amin lit perkatan Jesus si mpeseri bangsana ras biang, labo jadi persoalen man bana sabap biang pe banci nge ngaloken perkuah ate tuanna. Bagem kesabarena ras meseksek mindo gelah anakna sehat.

Empat Mei e iperingeti kerna Hari kesadaran Peduli struck anak internasional. Ningetken kita gelah tetap mperdiateken kesehaten anak-anak sejak dini. Sabap struk e banci engkenai kerina usia. Ngajuk anak libur ras santai e banci engkurangi sterss anak ras mereken kesehaten psikis ras kulana.